

DECÁLOGO DE VOLUNTARIADO DE FEGADACE

1. O voluntariado e as persoas voluntarias son unha parte moi importante da nosa acción solidaria a favor das persoas con dano cerebral adquirido e as súas familias.
2. O voluntariado das entidades de dano cerebral adquirido que forman parte de FEGADACE traballa polo interese e os dereitos das persoas con dano cerebral adquirido, coa formación adecuada, e con compromiso.
3. O voluntariado das entidades que forman parte de FEGADACE traballará en equipo de forma conxunta, coordinada e complementaria cos equipos profesionais remunerados das súas entidades, con coherencia coa súa misión e obxectivos dentro do ámbito das súas responsabilidades, e con compromiso adquirido como persoas voluntarias.
4. O trato e o traballo con e para as persoas con dano cerebral adquirido se fundamenta no respecto aos seus dereitos e na calidade humana, como principio rexedor das súas actuacións.
5. O voluntariado das entidades que forman parte de FEGADACE respectará sempre a intimidade das persoas con dano cerebral con e para as que traballan, sen difundir nin trasladar a terceiros ningunha información que puidese vulnerar o seu dereito á privacidade.
6. A empatía das asociacións coas persoas voluntarias, e destas coas persoas con dano cerebral, as súas familias ou con outras entidades de acción social coas que podamos traballar para a consecución dos nosos fins, deberá ser un elemento que estea presente na nosa forma de actuar.
7. As entidades que forman parte de FEGADACE e a propia Federación promoverán e difundirán as accións e actividades levadas a cabo desde e polos seus grupos de voluntariado, involucrando e incorporando aos mesmos na súa difusión e comunicación, como mensaxe solidaria e comprometida co colectivo de persoas con dano cerebral adquirido.
8. O voluntariado das entidades de dano cerebral adquirido que forman parte de FEGADACE non ten xénero, traballando desde as súas accións por e en plena igualdade de mulleres e homes no seu quefacer solidario.
9. A nosa forza reside no todo, no equipo; todos e todas somos e formamos parte das entidades de dano cerebral adquirido que compoñen FEGADACE. O voluntariado é unha parte importante desta forza colectiva.
10. A administración deberá comprometerse a apoiar e promover ao voluntariado e o seu traballo, e apostar decididamente pola solidariedade como valor fundamental da nosa sociedade.